

eyme wyngarten sechs heller, Peter Bernhardes stifkindere von eyme hofe vor der stad nun heller, Grunwaldynne vnde yre kindere von eyme hofe in der Pynisschen gasse zewene groschen zewene heller, Peter Friczsche von acker eynen groschen, Kolcschin von eyme wyngarten sechs heller, Bartusch von eynem wyngarten sechs heller, Thomas Muller von eynem wyngarten sechs heller, Nyte Reckeniczynne von eyme vyrteil ackers funfzen groschen, zewene scheffel korns, zewene hafern, Henczschel Kyrstan von Mogkroz^e) von eyner halben hufe gelegen zcu Stroulin eyne halbe sturnicze honiges, sechs groschen, anderthalben scheffel weyses, anderthalben korns, anderthalben gersten, anderthalben hafern, Hans Spilner muller bie den wisgerwern von siner mol acht vnde vyrczig groschen, sechs kappun, die sychen vf der Vyweyde^d) von acker zcu Plauwe^e) vyr groschen, eyn scheffel korns, eynen hafern, Sydel Schroter von acker vnde von eyme wingarten eyn groschen, Heinrich Toppher von eyme huse vnde von acker zcu Aldendresden zewene groschen vnde vyr heller, Nyczsche an der Elbe von acker vyrdehalben groschen, Jorge Adolf von eyme wingarten achte heller, Haylsberges kindere von eyner wysen vyr groschen vnde funf heller, der bruckenmeister syben groschen vnde zewene heller, Francze Sumsdorf von acker sechs groschen, er Johannes Reynolt von eyme hofe eynen groschen, Frenkynne von acker zcu Plauwe funf groschen, eyn scheffel korns, eyn hafern, Rudiger Hobisch von acker drie groschen, Nykel Starke von ackere drie groschen, Francze Rudiger vnde sin swiger von acker sechs groschen, Hannes Kochnicht von acker vyrdehalben groschen, Peczolt statknecht von acker drie groschen, Heinrich Schonwerfirs eyn phunt wachs vf vnser frouwen tag lichtewie, Peter in dem Loche eyn phunt wachs vf v. fr. tag lichtewie, Peter Keyser funf heller, der Lengynnen eydem von acker vnde von eyme wyngarten driczen groschen vnde zewene heller, Lorencze Rocz nun heller; eyn schog groschen ierlichs zcynses gelegen vf der badestoben in der Schribergasse; sechs scheffel korns vnde eyn swyn zcūmesten vyr wochen von der mol, die da vor dem Wylandisschen tore^f) an dem Sehe allernest gelegen ist; funf scheffel korns gelegen vf Pestewiczs mol vnde funf scheffel korns gelegen vf der Kernmol, die selbin funf scheffel korns der pherrer zcu Dresden, der iczunt ist vnde alle sine nochkomen, die zcu gezeyten pherrer da werden, zcu eyner widerstatunge des vorgnanten altars ierlichen vfheben vnde innemen sullen. Vnde eygen vnde geben ouch von vnser forstlichin gewalt die obgnanten gut vnde zcynse zcu dem egnanten altar gnediglichen mit solchem rechte eren warden vryheiten vnde nuczzen, als sie der gestrenghe er Frydeman Kuchenmeyster, vnde das schog geldes, das vf der stoben in der Schribergasse gelegen ist, Lorencze Bußeman, vnde die sechzen scheffel korns gelegen vf den obgeschriben molen iuncfrouwe Gele von Vlberndorf von vns bishere zcu lehen vnde vns auch die in vnser hende williglichin vfgelaßen vnde sich der ewiglichen vorzigen haben, geruwiglichin vnde ewiglichen bie dem vorgnanten altar zcu bliben vnde dem altaristen, dem der selbe altar gelegen wert, zcu volgende an allerleie hindernisse vnde infal als eyn recht eygen in aller maße alz obgeschriben stehet vnde eygens recht ist. Ouch so habin wir den burgern zcu Dresden vnsern liebim getruwin vnde allen iren nochkomen die sunderliche gunst vnde gnade gethan, das sie den egnanten altar lyhen sullen

c) Mockritz bei Dresden. d) Das Leprosenhospital; vgl. No. 15. e) Plauen, Eph. Dresden. f) Das Wilsdrufferthor.